

مجموعه ابو الضحی

ماسوا شایسته شدن دلی تطهیر به چالش
بر تو حکمت و عرفان ابله تنویر آتش

هر ماه عربی ابتدای سیله اون بشده نشر اولور فنون مجموعه سیدر

جزو ۳۹ [فی غره صفر سنه ۱۳۰۲] نسخه سی ۳ غروش

سیبریایہ دائر بعض معلومات

سیبریایہ قطعہ سی برقوق زمانہ فقر و سفالت مرکز کی عد اولنور و حقندہ پک چوق روایات مدہشہ سرد ایدیلور ایدی . بوکونکی کوندہ ایسہ او خطہ غریبہ حقندہ دخی معلومات کاملہ استحصال اولنہ بیلکدہ در . سیبریایک احوال جغرافیہ سنہ تمامیلہ واقف اولیانلر بو قطعہ نک صحرالری دائمی بوزلرلہ مستور اولدیغنه حکم ایتکدہ لر ایسہ دہ بو اعتقادلری موافق حقیقت دکدر . زیرا سیبریایہ دخی پک چوق صحاری لطیفہ و اراضی منبتہ پی شاملدر .

برقاج سنہ دن بری اوروپادن آمریقاییہ و قطعات سائرہ برخیل مهاجرت وقوع بولسی اوزرینہ مستمرات تشکیلی مسئلہ سی پک چوق کشینک نظر دقت و تحریرسی جلب ایلدیکندن ار باب فسدن اولان بعض سیاحین سیبریایک جہت جنوبیہ سی شمالی آمریقا قدر توطنہ صالح بولندیغنی بیان ایتکدہ درلر .

الیوم اوروپا مدینتہ برتلغراف خطیہ مربوط بولنان قطعہ مجوئہ نک اہمیتی تجارت عمومہ تقدیرہ باشلامش و اگر روسیہ دولتی طرفندن اورایہ بر شندوفر خطی تمدید ایدیلہ جک اولورسہ بو اہمیتک برقاج قات آرتقلانی مقرر بولنشدر .

§

روسیہ قانون جزاسندہ مواد جزائیہ جہ برطاقم فرقلر موجوددرکہ دول متمدنہ قوانین جزاسنک همان ہیج بریسندہ کوریلہ مز . جانیلر ، و پولیتیکہ مہملری حقندہ دیوان حرب طرفندن تعین اولنان جزا ایکی قسمہ آریلیر . بونک شدیددی صلب و خفیفی قورشونہ دیزمکہ اعدامدر .

حبس جزای دخی ایکی نوع اوله رق برنجیسی یعنی خفیفی برمناسرتده
حبس وایکنجیسی بر حبسخانه به القادر .

نفی دخی ایکی قسمه آیرلشدن : بونکده خفیف درجه سی روسیه نك
ممالك داخله سندن برینه اعزام وشدیدی سیریا به اجلادر .

سیریا به نفی اولسانلرده برقاچ درجه به آیریلرلر : برطاقی حقوق
ملکيه و مدنيه لرندن اسقاط ایدلدیکی حالده برطاقیده یالکز تغریب ایله
محکوم علیه اولور . و بونلردن برطاقیده سیریا معدنلرنده ویا حکومت
فابریقه لرنده استخدام و یا خود قلعه لرندن برنده حبسه محکوم اولانلردر .
بوصورت تقریق تفیلرینه دائر صادر اولان اعلامده تصریح اولور .

۱۸۵۸ سنه قدر سیریا به کوندریلان قاتل و حیدودلرک آلنرینه
قیرغین دمیایله [ق . ت] حرفلرندن عبارت برتمغا اوریلور ایدی که
روس لسانده [قاتورشی] یعنی کورکه محکوم معناسنی افاده ایدر ایدی .
سر سیریلرک آلنرینه دخی [براد یاغی] لفظنک که سر سری
معناسنه در ایلك حرفی اولان [ب] دن عبارت برتمغا باصیلیر ایدی .

کورک جزاسندن صکره ده خفیف جزاء منفینک حقوق مدنيه
و ملکيه دن محروم اولق شرطیه کوندردلیکی محله حق اسکانه مالک
بولنمیسدر . شوقدرکه بومنفیلرک هیچ بری تجارت ویا برصنعت ایله اشتغال
ایده میهرک یالکز زراعت و فلاحه ایله مشغول اولمغه مأذوندلر .

روسیه اهالیسی منفیلره هیچ بروقت [جانی] اطلاق ایتیموب، آنلری
[نیاستشاستینه] یعنی [بدبختان] عنوانیه یاد ایدرلر .

واقعا بونلره بدبخت اطلاق من کل الوجوه احراردر . زیرا
علی العموم نفی ایله مجازات اشد عقوبات اولدینی حالده سیره کوندریلانلر
حقنده روا کوریلان مجازاتک ال ظالمانه سیده محکومک کوملکنه وارنجه به
قدر اشیا و اموال و املاکنک کاملاً مصادره اولغنی و اولاد و عیالیه
اولان روابط مقدسه نك قطع ایدلمسی در . بناء علیه بوصورتله محکوم علیه

اولان بدبخت اولاد و عیالی اوزرینه اولان حقوقدن کلیاً محروم اوله رق
منفاسنده ایسترایسه اولمکه و زوجه متروکسی دخی شخص آخر ایله
ازدواجه مآذون بولور.

سبرایه نفی ایدیلا نلرک دوچار اولدقاری حالات طاقفرسانک الک
بلالیسی منفالزینه وصوله قدر چکدکلری محن و مشاقدیر. بوسیاحت
عظمی انناسنده بلکه بیگلرجه انسانک تیفسوس و اسقوریت کبی علل
مهلهکیه کرفتار اولمقدن و یاخود مشاق سفریه یه تاب آور اوله مامقدن ترک
حیات ایلدیکی کورولمشدر.

روسیه ده حاملر

« حاملر حافظ صحتدر » سوزی الک قدیم حفظ الصحه کتابلرینک
قواعد اساسیه سی صره سنده مقیددر. انساننی حسن طبعیه سی حاره بارد و یا دگر صولرنده استحمامه سوق
ایدر. بدن انسانه بخش ایلدکلری راحت و بعض علل و امراضک دفعنه
ایستدکلری خدمتدن طولانی حاملر ازمئه قدیمه ده مؤسسات جسیه بلدییه
صره سنه گیرمشدی.

آته ده حاملر (ژیمناس) یعنی ریاضت بدنیه مکتبباری اتصالننده
انشا اولندینی کبی رومالیر نزدنده حمام حوایج ضروریه صره سنه کچمش
اولدیغندن هر شهر و قصبه ده متعدد حاملر بنا اولنور ایدی. هله روماده
ایمپراطورلره مخصوص اولان حاملر جسامت و زینتجه دنیانک الک مزین
و مکمل حاملرینه فائق ایدیلر. ایمپراطور قاراقالا طرفندن انشا ایدیلان
حاملرک خرابه لری الیوم موجود اوله رق تماشایدناری دوچار حیرت
ایتمکده در.